

重修汾陽縣志敘



汾陽爲古茲國秦莊襄時始建茲  
氏縣晉以後爲隰城唐以後爲西  
河汾陽之稱賓昉自明萬曆甲午而  
縣走出緣起亦自萬曆三十八年  
始也

序

一

國朝經再脩而休宬戴東原先生踵其  
事重整義例結撰謹嚴一掃前志  
之兼陋然乾隆辛卯迄今又垂八  
十載矣曠隆弗舉文獻翼徵洵益  
斯古者所當憐也余自道光丁  
酉欽承

剪命來守汾郡昕夕奉職惟謹沙陽為  
阿巽首邑尤垂意焉居久之沙出  
以亦信余之拙相安無事郡齋清  
暇慨然有重葺郡乘之舉端緒未  
就匆上以令憂去其事遂中輟歲  
庚戌寧西周君以名進士宰沙邑

序

二

紳士進而言曰郡乘雖弗克蒞事  
邑人急公好義之雅未可部盍移  
其費以脩邑志備他日郡乘出取  
資乎周君允其議欣然載筆復得  
泚水霍桐柯郡學博左各以橐成  
索序於余夫方志體具史裁非僅

創始惟難也規矩在前而個鎔之  
其弊為妄譌誤相仍而黨護之其  
弊為固不足以信今傳後則一也  
咎宋炫武子著會稽志寶慶中張  
吳續之復於前書補其遺佚廣其  
疏畧正其謬誤頗覈不苟識者推

序

三

為方志中脊體要之佐東原氏所  
撰述高朗齊汰而徵引史傳從以  
刪削過當首尾不具邑中應入志  
金石文字亦多失載今周君取其  
書嚴加校訂遺者補誤者正乾隆  
壬辰以後事蹟另為續編義例卷

數一遵前志以奮實事求是安與  
固兩祛其弊不獨育功於東原氏  
卽媿美於張吳會稽續志也可周  
君負幹濟才以署文水今調繁汾  
是循轍卓然方爲大府所器重政  
事之暇其博稽載籍率同官從事

序

四

於郡乘俛一郡以屬五千卯百里  
之文灑燦然具陳微特汾陽一邑  
舉其廢墜尤余之厚望於夫  
誥授朝議大夫知汾州府事前內閣侍  
讀撰文中書舍人太興牛鎮撰



汾陽孫績志序

修志與修史同有體例古者括有  
敘述有斷制體例取其謹嚴考括  
取其精勝敘述取其修潔斷制取其  
確當具此四美然後可以操觚是紀有  
史學史乎史後誰敢任之而况於珠玉  
序

在前後以手訂一編綴集舊聞細羅  
散失發揮已見而不囿於前人窠臼  
之中斟酌立言而不軼乎前人繩墨之  
外豈不憂之乎難之哉更始有史學史  
才史後不敢任也汾陽志自乾隆年  
間東原戴氏重輯後又閱多年戴負

重名具良史筆力生平著述汗牛  
充棟相傳流邑志四閱月脫稿蓋急  
就章如原志分門二十有二為卷二十  
有五其書體例考括敘述體制了  
原存史法無可訾議特其卷帙富後  
事速蒐羅之未廣討論之未精不必

序

二

為作者諱且自書咸後迄今垂八千  
載可傳之人可採之事足以光邑系而  
備掌故者層出不窮又勢不可以不增  
缺畧者補之謬誤者正之未載者續  
之此皆有待於後之作者矣於邑人  
卞翼雲司訓等建議設局恢我以續

志為己任而曾君書農好古博聞長於  
著作所謂弓史學史才史後者也念以  
斯事屬之而推霍相柯郡博總其大  
成曾君殫思竭慮旁披遠紹彙之編輯  
每門綴之以補遺正誤總之續編義例  
卷教之仍前志之舊至前志則悉遵原

序

三

本未嘗擅改一字蓋雅不以一知半  
解自炫其長故素前賢畏後生之誚也  
洵可為東原之功臣而能卓然自成一  
家言者矣屬藁成出以示余並請為序  
余嘉其志之勤而筆墨之有史法也爰  
綴數言以弁其首

賜進士出身知汾州府事升任貴州貴西

道田潤撰



序

四

重脩汾陽縣志序

周官上史掌邦國之志以貳太史佐太宰志者山川風土物產之書也後世之志仿之汾邑明故為州其志創於嘉靖甲寅至萬曆丁未陞州為府邑始附郭越二年己酉因州志而增續之始為汾陽縣志歷我朝以來踵脩者再乾

序

一

隆辛卯前令李公文起開局重脩廣搜

博採復延新安戴東原先生佐之記載廼稱大備以是知史才蒸難而成之更非偶然也余甫下車卽索李志讀之體例精嚴得遷史之遺旨惟距今又八十年其間民俗之醇駁仕宦之賢否度支之增減學校之盛衰與夫人物名勝災

祥藝文所見異詞所聞異詞所傳聞異  
詞亟思蒐輯以補前人所未逮而汾故  
望緊之區鞅掌風塵不獲與邑人士昕  
夕討論心常憾焉夫考獻徵文儒者之  
事也而采風問俗又有司之責也昔段  
成式仕江西有廬陵官下記范成大官  
桂林有桂海虞衡志彼其書皆無關政  
序

二

事之要而後之誌方輿者每藉以資考  
鏡况邑乘一書尤為官斯土者所矜式  
哉爰與邑紳卞星齋司訓及同志諸君  
悉心商確復延沁水霍桐柯學博總其  
事不數月而志成是志也缺者補訛者  
正未載者續為卷十有五義例一仍其  
舊詩有之率由舊章余才不及前人其

所以昭示來茲者惟兢兢奉此以為圭  
臬設數十年後更有繼余而起者庶幾  
鑒余之心諒余之志而李志一編得以  
相與有成則幸甚余故曰成之非偶然  
也是為序

咸豐元年辛亥九月

賜進士出身

序

三

勅授文林郎己亥科同考官知汾陽縣  
事宜園周貽纓撰



國之有史郡縣之有志皆以徵信也夏殷  
之禮文獻無徵孔子嘗嘆之太史公作史  
記父子討論蓋數十年又嘗周覽天下訪  
求遺聞竭一生心力博綜以成一書劉向  
楊雄皆稱其有良史才而前史猶譏其失  
謂多踈畧抵牾蓋徵信良難矣修志固未  
可與史並論然即一邑百里之中分野疆  
域沿革災祥忠孝節義人物藝文歷年既  
序

一

久傳聞異詞非探討於平日而徵信於文  
獻未可率爾操觚也汾陽舊志修於乾隆  
三十七年出新安戴東原先生之手於前  
志之訛者辨之蕪者芟之體裁嚴整叙事  
簡潔後人莫敢議焉然四月成書匆匆付  
梓其中之沿訛而踈畧者時亦有之不必  
爲賢者諱也邑中曹君藝五爲慕堂宗丞  
曾孫家學淵源性復嗜古尤精考據之學

中年棄舉子業力爲詩古文詞因取郡志  
邑志正訛補遺務求精核縷析條分各爲  
一冊蓋非一朝一夕之故矣道光庚戌邑中  
諸紳士請於

郡伯田漱芳先生 邑宰周怡園先生議  
修縣志

郡伯謂舊志本出名手宜爲續志毋改舊  
志宜嚴勿濫宜傳信毋尚文蓋皆示以徵  
序 二

信之意藝五因出所輯正訛補遺若干條  
及預擬各傳極蒙嘆賞爰共推秉筆取八  
十餘年之事以續其後每成一卷必質於  
怡園明府復呈

郡伯裁定余亦時從叅校之末八越月而  
書成余聞舊志之修慕堂宗丞雖遠宦京  
邸而郵筒商確與有力焉是役也藝五既  
克繼先人之志亦使一邑之潛德芳徽不

致久而淹沒故跋於後使共知續志之由  
亦以彰藝五之勞也聞諸紳士且擬請修  
郡志他日正訛補遺尚當問之藝五以爲  
徵信之一助焉

咸豐元年歲次辛亥仲秋上浣

賜同進士出身汾州府教授沁水霍慶姚跋



序

三

汾州舊志序畧

冀南道彭公 範

郡有志猶國有史也第崇文者鮮實要稽事者失雅馴  
好古綴文之士每以爲恨余往閱武功志文簡事該心  
竊慕之及分鎮西河暇覽郡乘繁畧互失乃造文谷孔  
公而問焉曰郡有善志則邦多聞人汾志未修非缺典  
乎公遂慨諾旁搜博採按舊擇新實則據事而直書文  
則刪繁以就簡地理志而圖籍可察矣建置志而興廢  
可稽矣藩封志而茅胙有徵矣祠祀志而秩宗不廢矣  
田賦志而惟正可供矣官師志而賢才可辨矣人物志  
而尙友有資矣選舉志而賢能不蔽矣志取旣精於決  
擇發論不謬於是非較武功而藻飾過之矣雖謂汾史  
可也

汾陽縣志

原序

一

邑人王公緯

余惟志之匪易修也傷繁則涉於支太簡則病於滲容私則毀譽競於多歧徇情則名實淆於罔覈祇取誣焉爾余乃躬歷四境咨訪搜羅西至禹門登萬戶山過向陽坂踰金鎖關跨龍橋陟彪嶺俯瞰馬跑之泉轉北徑卜山探石室遡隱泉東下涉萬谷河循汾水之涯迤邐而南抵中陽界旋謁狄武襄祠過文潞公舊宅訪宋之問故墟凡山河之形勝人物之遺跡建置之因革無不手錄復稽覈典章叅考圖籍兩更寒暑稍稍完此數篇心力亦旣竭矣

邑人孔公 天胤

冀南五州汾志獨無郡守陳公三致意焉敦求鄉進士龍岡王緯開館撰次數月書成存名物於故事寥絕之餘創圖史於草藁莫屬之後其有功於郡豈不鉅哉余廢著嘿塞杜門絕省問分守東谿彭公約州守龍喁張公別駕少陂黃公下問焉曰古之閉戶者率著書今君安得嘿然而已乎幸勉爲修志余於是取郡志修之定爲八卷曰地里曰建置曰藩封曰祠祀曰田賦曰官師曰人物曰選舉合而觀之則一郡之事聊可槩而半因於王君之所搜討益信其爲國史才不可沒也至於宏汾陽縣志

原序

三

備精覈尙有望於博雅君子焉嘉靖己未九月始庚申正月錢梓